

**www.e-rara.ch**

**Ioannis Owen Oxoniensis Angli Epigrammatum**

**Owen, John**

**Amstelodami, Ao. M DC XXXVIII. (1644)**

**Zentral- & Hochschulbibliothek Luzern**

Persistent Link: <https://doi.org/10.3931/e-rara-137574>

Liber secvndvs.

---

**www.e-rara.ch**

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

---

**Nutzungsbedingungen** Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelnformationen angegeben. Für weitere Informationen siehe auch [Link]

**Terms of Use** This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

**Conditions d'utilisation** Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

**Condizioni di utilizzo** Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

EPIGRAMMATVM  
 IOANNIS AVDOENI  
 CAMBRO-BRITANNI,  
 AD HENRICVM PRINCIPEM,  
 LIBER SECVNDVS.

---

1. *Ad Henr. Principem Valliæ Opt. Max.*

**O**ptima det tibi velle Deus, verissima scire:  
 Hæc cuicumq; dedit \* maxima posse dabit.  
 \* Magnum esse bonum est; Doctum, melius; Bo-  
 num, optimum.

2 *Ad Iacobum Magnæ Britannia, Francia,  
 Hibernia. &c. Regem Opt. Max.*

**O**mnia formidant, formidanturque tyranni:  
 Semper habet comitem vis metuenda metum:  
 Cur metuas causæ nihil est, Rex maxime regum,  
 Optime Rex, causæ est, cur metuare, nihil.

3 *Hysteron, proteron.*

**H**ystreron est Proteron præpostera forma loquens.  
 Exempli causa: Cant' Brigia Oxonium. (di:

4 *In decrepitum tertia uxoris virum.*

**P**rima tibi Clotho, Lachesis fuit altera conjux;  
 Atropos est vitæ tertia nupta tuæ.

5 *Amor.*

**L**ibertas, carcer, pax, pugna, dolenda voluptas,  
 Spes metuens, mel, fel, seria ludus, Amor.

6 *Minos.*

**Q**ui pro justitia poscit sibi munera Minos;  
 Est similis pisci, quando capit, capitur.

7 *Dabitantius.*

**S**uspicio alterutrum, scio neutrum, utrumq; paratus  
 Credere; Phæbus erit, qui mihi dicet, utrum.

8 *Ad Adamum Neuton, H. Principi à Secretis.*

**M**Ores mutat honos hominum plerumq; priores,  
Moris id est; non est mos tamen ille tuus.  
Mutatus non mutaris; mirabile; tradunt  
Se Fortunæ alii, traditur illa tibi.

9 *Ad Tho. Puckering, Equitem & Baronetum.*

**C**Are, tuum, Thoma, si fas tam prisca referre,  
Ingenium colui nobile primus ego.  
Doctor ego, Pukringe, sui tuus, optime, primus:  
Non sum quod fueram, sum tamen usque Tuus.

10 *Tres haustus.*

**P**Ræteritam primus, præsentem proximus haustus,  
Venturam extinguat tertius ille sitim.

11 *Enigma duplex.*

**D**ic mihi quæ fuerit, matri quæ \* filia nupsit?  
Cujus erat † mater mascula, Nemo \* pater?  
\* Eva, † Adamus, \* Deus.

12 *De fide. Anagramma quintuplex.*

**R**ECTA Fides CERTA est, ARCET  
mala schismata. non est.  
Sicut C R E T A, Fides fictilis: arte C A R E T.

13 *Ad Edoardum Coke equitem, juris-  
prudentiss. Iudicem, &c.*

**N**aturæ notum tibi jus, naturaque juris;  
Lis, & uterque tuo pendet ab ore cliens.  
Descripto responsa Britannus Apollo dedisti,  
Clara magis, quam quæ Delphicus ore dedit.  
Præsentem dirimis lites, tollisque futura  
Iurgia, præsentem voce, futura manu.

14 *Instrumentum Mathematicum, vulgo  
Dictum A Jacobs Staffe. Ad Mathematicum.*

**I**acobi baculum tibi sumito; da mihi \* scalam;  
Monstrabit baculo plus mea scala tuo.  
\* Iacobi Scala. Gen. c. 28. v. 12.

15 *Situs Terra.*

**T**erra stat æternum, Salomoni credere si fas;  
Si fas Naloni credere, Terra sedet.  
Fessa vacillaret tandem, si Terra sederet?  
Si staret, caderet, quid facit ergo? jacet.

16 *Ad prudentem & fortem virum, Hen.*

*Davers, Baronem de Dantesay.*

**I**N te fortunam virtus, prudentia casum,  
 Servilem superat spes generosa metum,  
 Te sequitur Fortuna comes, prudentia ducit;  
 Nulla (nisi excipiam Numinis) arma times,  
 Pergito tu, quocunque vocat Rex: Te duce victor  
 Miles erit: Dux te milite victor erit,

17 *Epitaphium mortis. Ad mortis mortem.*

**I**N cruce mors obiit: nunquam de morte resurget;  
 Mortis erat stimulus mors tua: crux, tumulus.

18 *De Papa & Luthero.*

**P**APA pater multas indulgentissimus unus  
 Ex purgativo liberat igne animas.  
**M**ARTINUS Papis pater indulgentior unus  
 Omnibus est; omnes eximit inde Luther.

19 *De Deo & homine.*

**I**PSE Deus verbum est; fecit Deus omnia verbo;  
 Verba homines facimus, nos quoq; verba sumus.

20 *Ad Georgium Carev Equitem, prae-*

*fectum curiae pupillorum. 1612. Jun. 13.*

**D**VM pupillorum commendat Rex tibi curam,  
 Se meriti curam monstrat habere tui.

21 *De jejuniis.*

**P**APA suo cur tot jejunia servat in anno?  
 Vt successorem se probet esse \* Petri,  
 \* Piscatoris,

22 *Metamorphosis nova.*

**E**FFICIUNT hominem vir & uxor amabilis unum:  
 Sic homo fit quadrupes, qui fuit ante bipes.

23 *In non-nullam.*

**N**ERVUM inflammasti Fabiano; jam Fabianus  
 Dicere jure potest; Vror amore tui.

24 *Aurum ex stercore.*

**C**ONDUCTOR foricarum ex stercore colligit aurum:  
 Et duo praeterea, Rusticus & Medicus.

25 *Fronti nulla fides.*

**U**XORIS crimen scriptum est in fronte mariti;  
 Vir tamen est calamus, foemina charta viri.

26 *Ad Guil. Ravenscroft, I. C. calibem.*

**C**œlestem vita degens in cœlibe vitam,  
Quod possunt pauci, tu potes esse tuus.  
**C**ognati natorum instar tibi sint, & amici;  
Dum tibi cognatus sim vel amicus ego.

27 *Historia hujus temporis.*

**L**ex fuit historiæ vetus hæc, ne dicere falsum  
Audeat, & verum dicere ne metuat.  
**H**æc est historiæ nova lex; ne dicere verum  
Audeat; & falsum dicere ne metuat.

28

*Dos formosa.*

**F**ormosam nudam volo; nudam non volo formam;  
Quæris cum forma quid volo? materiam.

29

*Virgo Gallica.*

**G**allica virginitas parvarum est propria virtus:  
Virginis hic titulum sola \* Puhilla gerit.  
\* *Pucelle Galli virginem vocant.*

*Virgo Anglica.*

**N**e quid vicinis concesserit Anglia Gallis;  
Anglica quæq; fere virgo Platonis homo est.

30

*In Nobilem novum.*

**M**ater erat netrix, pater in mare retia jecit:  
Inde tuum decorat linea longa genus.

31

*Enigma Penelopes ad procum.*

**E**st \* quiddam quod pene nefas mihi dicere versu,  
Hoc tibi vis totum Pontiliane, dari.  
Syllaba prima meo debetur tota marito:  
Sume tibi reliquas, non ero dura, duas,  
\* *Osculum.*

32

*Bias.*

**O**mnia qui dixit mea mecum porto videtur  
Vxorem sapiens non habuisse, Bias.

33

*Chrysof. Gracus ab Henr. Savello Equite  
doctiss. correctissime editus Ætone Ad Henr. Savellum.*

**V**itam in carne pius primam Chrysofotomus egit;  
Nunc vitam, exutus corpore, mentis agit.  
Vivit & in scriptis. Naturæ debita matri  
Prima, secunda Deo, tertia vita tibi.

34

*Philosophi uxor.*

Vulcani formosa Venus, Iovis inclita Iuno  
Vxor erat, nulli nupta Minerva viro.

Cur ita? Pallas enim cum sit Sapientia, nullū  
Nubere vult homini, cur? quia nemo sapit.

35

*\* Propria quarto modo.*

Mentitur quisquis Communem Thaida dixit;  
Thaida semper habet solus & omnis homo.  
*\* Omni homini, soli & semper.*

36

*Stultorum par.*

Claudius est \* mulo similis, Gorgonius † hīnos;  
Quod sit iners, mari debet hic; ille patri.

\* Ex equa asino & sit mulus, † ex equo & asina  
hinnus. Var. de re Rust. l. 2.

37

*Ad Edoardum Sackeville, ex Gallis re-  
ducem, Comitis Dorcestriae unicum fratrem.*

Ingenium Natura domi tibi provida mater,  
Consilium peregre resque locusque dedit.

Sirenium fugiens cantus & pocula Circes,  
Vnde redis senior, sanior inde redis.

38

*De Zelotypia Anglico-Gallico-Italica.*

Cvri Itali longe gravius quam Gallus & Anglus  
Vxorum lus, oscula, surta ferunt;

Bestia peior ave est, cui nupit adultera conjux:  
italus est \* quadrupes, Gallus & Anglus † aves;

Gallus & Anglus aves quadrupes est Italus? ergo  
Ex tribus his solus cornua fert Italus.

\* Becco cornuto. hircus. † Vn Cocu, Gal.  
Angel. *A Cuckold. Cuculus.*

39

*Sapientia Socratica.*

Omnia, me, dum junior essem, scire putabam:  
Quo scio plus, hoc me nunc scio scire minus.

40

*Mensa rotunda Regis Arthuri.*

Inscribi septem Sapientum nomina iussit.

In tereti sapiens Delphicus orbe Deus.

Sic Arthure sagax, eques unusquisque tuorum

In tereti mensa primus & imus erat.

41

*Subsidium.*

Ragem anima & nummis Ecclesia, corpore vul-  
Nobilitas opibus corporibusq; iuva. (guz.

42

*Novus Orbis.*

**N**escio quot Cabalistarum schola mystica mundos  
Afferit; innumeros esse Epicurus ait.

At bene si numeres, duo sunt: rerum ille vetustus,  
Verborum, in quo nunc vivimus orbe novus.

43

*Ianus bifrons.*

**I**ngenii virtus reminiscendique facultas,  
Iste quod à tergo est, illa quod ante, vider.

44

*Corpus Terra.*

**T**elluris lapides sunt ossa, metallaque nervi,  
Pellis crusta, pili gramina; sanguis aqua.

45

*Ad Pannicum de Mauro.*

**I**nter te dominamque tuam sua, Pannice, Maurus  
Dividit; uxori res, tibi verba dedit.

46

*In Paulam Anglicam fucatisissimam.*  
*feminam.*

**F**ucata facie, fucosis fallere verbis  
Mos tuus; in fucò fanda nefanda facis.

Ignavum fucos pecus à præsepibus arces,  
Paula, tamen tuus est quid, nisi fucus, amor?

47

*Medicus & I. C.*

**D**at Galenus opes, dat Iustinianus honores,  
Dum ne sit Patiens ille, nec ille Cliens.

48

*Ad Edoardum Wotton, Baronem Regi*  
*à Consiliis, &c.*

**M**ortuus est, cessitque loco cultissimus Heros,  
Qui fuit arbitrio Palladis, ante tuus.

Non erit hoc, Edoarde, loco te dignior alter;  
Te, Wottone, locus dignior alter erit.

49

*Anagramma: Galenus, Angelus.*

**A**ngelus es: bonus anne malus, Galene? salutis  
Humanæ cultos? Angelus ergo bonus.

50

*Amor cæcus malè audit.*

**N**on videt uxoris delicta maritus amator:  
Nullus amat vere vir, nisi cæcus amat.

Nil oculo contra dominam, nil creditur auri;  
Est igitur surdus, non modo cæcus, Amor.

51

*In Dindymum mercatorem.*

**A**rtis Arithmeticæ didicisti, Dindyme, partes  
Tres primas: quartam disce, beatus eris.

52

*Anagramma uxoris.*

**I**nsaturabile par sunt \* orcus & uxor: ait Rex,  
Vnius experiens, alteriusque sciens.

\* Prov. c. 30 v. 15

Quisquis in uxorem cecidit, descendit in orcum:  
Rite in versa sonant *Vxor* & *Orcus* idem.

53

*Responsio.*

**N**uncupor *uesor* ego, non sim quasi conjugis *ordis*.  
Sed quia per totam sedula *curso* domum:

In Muliere vir est, ut in orco Belzebub: ergo  
Infernum si sit foemina, vir Satan est.

54

*Relligiosus.*

**Q**uod bene fit, male fit, nimium si fiat aperte:

*Politicus.*

Occulte dum fit, quod male fit, bene fit.

55

*Tres Divæ.*

**I**nno casta, Venus meretrix, virgo optima Pallas.  
Est inter Divas rara Minerva duas.

56

*Proteus Anglicus.*

**V**tilia hæc ætas in amictu & honesta reliquit.  
Nos jucunda juvant sola; diuq nihil.

57

*Duo protegit unus, dictum H. IV. Re-*  
*gi Francorum.*

G

Allorum Rex regna, inquis duo protegit unus;  
Protexere tuum nec duo regna caput.

58

*Ortus & situs Solis.*

**S**ol inter septem quartus mediusque Planetas:  
In quarto & medio Sol situs ut \* satus est.  
\* Quarto die creatus Sol.

59

*Cæsaris, Pompeji & Crassî**sepulcra.*

**A**frica Pompeji tellus, Asiatica Crassî,  
Tertia pars mundi Cæsaris urna fuit.

60

*Ædes urbana urbanissima, Henr. com-*  
*mitu Northamptonia.*

**A**rguit affectus domitos, mentemque polite  
Compositam domini, compositura domus:

Infanas quicunque struunt ex tempore moles,  
Exemplo discant ædificare tuo.

61 *Ad Oranum.*

**C**onnubio jungam stabili propriamque dicabo,  
Sæpe tibi dives dixit. Orane, focer.

Connubio nimium stabili tibi jungitur uxor,  
Instabilis cum sit, quem proficitur, amor.

62 *In Fœlicem.*

**P**er totam Fœlix holosericus ambulat urbem,  
Qui vix toto urbes vidit in orbe duas.

Qui mores hominum multorum vidit & urbes,  
Mendicat panem pauper, in urbe sua.

63 *Fr. Drake.*

**A**mbitio *Draki* nullo reticebitur ævo;  
Ambivit Terras, per mare, *Drakus* Anas,

64 *Homo.*

**N**il fueras, sed nec potes hoc meminisse, prius-  
quam

Natus eras, aliquid cum morieris, eris.

65 *De Phœbo & Neptuno.*

**S**ol celer est, at Sole tamen velocius æquor:  
Itque reditque die Sol semel; at mare bis.

66 *Uxor vi (n) Æa.*

**V**incitur nisi lingua prius, non vincitur uxor:  
Vxorem solus qui super-it superat.

67 *Nuda veritas. In Alethum.*

**S**i posset Virtus (inquit Plato) nuda videri,  
Mirus in hanc hominum conciperetur amor.

Vidit apud Venetos (si credere fas sit) Alethus

\* Virtutes nudas, & vitia vitæ eas.

\* Quatuor meretriculas, virtutum nomi-  
nibus insignitas.

68 *De Baccho & Byrrha.*

**L**audatur vinum simplex, cerevisia duplex.  
Est bona duplicitas; optima simplicitas.

69

*In Gelliam.*

**G**ellia Materiae res una simillima primae :  
Hæc omnes formas appetit, illa mares.

70 *In Papilum canos evellentem.*

**N**il opus est capiti canos evellere crines,  
Papile : Græcari pergito; sponte fluent.

71 *Ne sis multi magistri.*

**D**iscipulus dum vult nemo, quisq; esse Magister:  
Omnes discipuli, nemo magister erit.

72 *Ad Henr. VIII. Fid. Defensor.*

**H**unc titulum Regi Florum Regique Leonum  
Florentinus homo dat tibi Papa \* Leo,  
\* Leo X. natione Florentinus, anno 1521.

73

*Ad L. P.*

**C**um titulo gladium Regi, Leo Papa, dedisti  
Te negat hoc titulo Rex, gladioque necat.

74

*Superbia vita.*

**E**x humili licet ortus homo tellure, tumescit :  
Sit licet ex nihilo nata, tumescit humus:  
Sic homo, sicut humus, supra se tollitur ipsum:  
Monte superbit humus; mente superbit homo.

75 *Ad Guarenum Tausend, l. C.*

**N**on tua se ad scenam componit lingua forensis,  
Non tua vox querulo prostat avara reo.

Naturæ contemplaris mysteria matris :

Scripturam, leges, historiamque legis.

Tres Charites, septemque artes, ter tresque sorores

Te prohibent causas dicere : nosse docent.

76 *Genesis & Euangelium S. Matthai.*

**E**xplicat hic Christi Genesis liber, alter Adami :  
Incipit à Genesi Lex, & Euangelium.

77

*Quidam, nemo.*

**I**n sacris, homines Animas Hebræa vetustas  
Appellat: tanquam nil nisi mens sit homo. (quam  
Nemo Anglis *Nobody* est, & *Quidam Sombdy*, tan-  
Anglicus ex solo corpore constet homo.

78

*Amatorium.*

**S**I tu Zodiacus fieri, mea Lesbia, velles,  
Hac ego Sol fieri conditione velim.  
Zodiacum in toto percurrit Sol semel anno;  
Ast ego te quavis, Lesbia, nocte semel.

79

*Ad librorum Castratores.*

**Q**ui sapitis, nolite meum castrare libellum,  
Gignat adhuc alios ut liber iste libros.

80

*In Gelliam Aulicam.*

**G**ellia dic sodes. multis cur prodiga præstas  
Vni promissam remque fidemque viro?  
Mos vetus est, & adhuc nostra servatur in aula.  
Pluribus ut pateat clavibus una sera.

81

*Eva & serpentis Conciliabulum.*

**P**eccatum peperit sermo serpentis & Evæ;  
Ille utinam murus, furda vel ista foret.

82

*Ad Robertum Ioustone Scoto-Britannum.*

**I**ngeni Ioustone tui sum factus amator,  
\* Historiæ legerem dum monumenta tuæ.  
Nil magis ingenuum, nihil ingeniosius extat  
Tergeminæ Britonum gentis in historia.  
Excipias unum Morum de Rege Ricardo;  
Nemo Britannorum dignior invidia.  
\* Nondum in vulgus editæ de rebus Britannicis  
& Hibernicis sui temporis.

83

*De seipso.*

**S**vm fateor, doleoq; minorum ex ordine fratrum,  
Frater, opes patrias & bona, major habet.

84

*Vende omnia qua habes; & da pauperib.**In Petrum.*

**C**onsilii partem servasti, Pæte, priorem,  
At pars neglecta est postera tota tibi.  
Nam venum bona cuncta dedisti; eademque dedisti  
Aut Veneri aut ventri; pauperibusque nihil.

85

Nec

{ *ex malis minimum,*  
*ex bonis maximum.*

O

Ptima sit quamvis, uxorem nolo gigantem:  
Vxorem nanam nolo, licet mala sit.

86

*Sirenium cantus.*

**S**irenium cupis incolumem servare salutem,  
Sirenium cantus effuge; sanus eris.

87

*Epistola amatoria.*

**N**illus amor sine spe, dubius qua vivit amator;  
Nulla placet sine te spes mihi; res sine te,

88

*Amor cacus.*

**E**brietas & amor similes; extinguit uterque;  
Corporis, ebrietas lumina; mentis, Amor.

89

*S. T. Divitis Testamentum.*

**O**mnia das, quia nil potes hinc auferre; dedisses,  
Si tecum posses omnia ferre, nihil.

90

*Aer, Aqua, Terra, Infernum.*

**T**erra supernorum fordes immunda receptat:  
Terræ immondities Orcus in ima trahit.  
Quicquid in orbe mali est, aliquando feretur in or-  
cum,

Fertur ut in centrum quicquid in orbe grave est.

91

*Zodiacus Christianus.*

**C**oetus Apostolicus, coelestia sidera bis sex;  
Zodiacusque Fides; Sol mihi Christus erit.

92

*Erasmi encomium Moria.*

**S**tultitiam non tu laudasti solus Erasme;  
Te laudant multi, stultitiamque tuam.

93

*In Gymnicum pastorem.*

**P**ascis oves verbis, te, Gymnice, grex alit herbis:  
Scis decimare agrum, non medicare gregem.

94

*In Dardanum.*

**P**allor in ore sedet, macies in corpore toto,  
Dardane: nil in te est pingue, nisi ingenium.

95

*Placitum anno 1609, inter Rob. Calvin  
Actorem, & Ioannem Bingley, & Ricardum  
Griffin Reos.*

**C**um post-natorum lis est agitata, Robertus  
Iacobi vicit filius, omen habet.

Quod fuerit reus Anglicus alter, wallicus alter,  
Scorus utrumque actor vicerit, omen habet.

Omen amo; Britones jungent jam pectora palmis,  
 Non erit in partes Insula secta duas.  
 Post-nati natorum & qui nascentur ab illis,  
 Grex paltoris erunt unius unus, Amen.

96 *In discordias nostri temporis.*

**D**efinit Logicus res, non modo dividit; At nos  
 Nil defuimus, Omnia dividimus.

97 *Ex malis moribus bona leges.*

**C**onditor infanti legem præscripsit Adamo,  
 Moribus ergo malis, lex fuit una prior.

98 *4. Articuli Fidei. 1. 2. 3. 4.*

**V**Num crede Deum, duo Biblia, symbola terna;  
 Quartam Conciliis quattuor adde fidem.

99 *Ad H. Principem.*

**V**T visum fugit ursa leonem magna minorem,  
 Maxima spes minima re veniente fugit:  
 Spes mea Te spectat, fortunatissime Princeps:  
 Tu mihi spem misero tolle, beatus ero.

100 *Ad Lectorem.*

**E**xuo Narcissum, quoties Epigrammata scribo,  
 Exuat hunc, quisquis carmina nostra legit.

FINIS SECVNDI LIBRI.

EPI.